



Broj: 05/7-39-1-178-58/20

Sarajevo, 27. 2. 2020.

ZAPISNIK

58. sjednice Vijeća nacionalnih manjina BiH,

održane 25. 2. 2020.

Sjednica Vijeća nacionalnih manjina BiH počela je u 17 sati.

Sjednicom je predsjedavao Andrija Svatok, predsjedavajući Vijeća nacionalnih manjina BiH.

Sjednici su prisustvovali: Tihomir Knežiček, Davor Ebner, Jovanka Manzalović-Šalaka, Velibor Kuvač, Dragan Marković, Todorcka Jovanović, Silvija Vujović, Nedžad Jusić, Tijana Vučurević, Marija Grbić, Hakan Varan, Eva Pašić-Juhas, Mladen Radmilović, Halil Bicaj, Jakob Finci, Dejan Piotrovski i Vjeročka Gajić.

Sjednici su, također, prisustvovali: Želimir Lalić, šef Odsjeka za zaštitu prava i saradnju s nacionalnim i drugim manjinama, vjerskim zajednicama i NVO-ima, Maja Ribar, politička savjetnica u Delegaciji EU u BiH i Uredu specijalnog predstavnika EU u BiH, Dervo Sejdić, jedan od podnosilaca tužbe Evropskom sudu za ljudska prava, Aida Kreho, sekretar Zajedničke komisije za ljudska prava, i Branislava Vignjević, stručna savjetnica u Zajedničkoj komisiji za ljudska prava.

Članovi Vijeća nacionalnih manjina BiH su, sa 17 glasova „za“ i jednim glasom „protiv“ usvojili sljedeći

DNEVNI RED

1. Usvajanje Zapisnika 57. sjednice Vijeća nacionalnih manjina BiH;
2. Rasprava o predmetu *Sejdić i Finci protiv BiH* – geneza slučaja, problemi i potencijalna rješenja;

3. Razmatranje aktivnosti za pokretanje inicijativa za izmjene i/ili dopune Izbornog zakona Bosne i Hercegovine - poglavlje kojim se regulira učešće nacionalnih manjina u općinskim/gradskim vijećima;
4. Razmatranje aktivnosti za pokretanje inicijative za izmjenu zakona i drugih pravnih akata kojim se regulira uvoz robe iz inozemstva;
5. Inicijativa i prijedlog za održavanje sjednica Vijeća u toku radnog vremena Parlamentarne skupštine BiH;
6. Tekuća pitanja:
 - a) Informacija o izvještajima o radu razmatranim na 2. sjednici Zajedničke komisije za ljudska prava Parlamentarne skupštine BiH,
 - b) Plan posjeta Vijeća u zemlji za 2020. godinu,
 - c) Informacija o mogućoj posjeti Rumuniji,
 - d) Razno.

Ad. 1. Usvajanje Zapisnika 57. sjednice Vijeća nacionalnih manjina BiH

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. S obzirom na to da nije bilo zainteresiranih za raspravu, pristupilo se glasanju te je Zapisnik usvojen sa **17 glasova „za“ i jednim glasom „suzdržan“**.

Ad. 2. Rasprava o predmetu *Sejdić i Finci protiv BiH* – geneza slučaja, problemi i potencijalna rješenja

Na početku razmatranja ove tačke dnevnog reda članovima Vijeća obratili su se podnosioci tužbe protiv Bosne i Hercegovine pred Evropskim sudom za ljudska prava Dervo Sejdić i Jakob Finci, podsjećajući na historijat i tok procesa. U raspravi koja je uslijedila učestvovali su: Jakob Finci, Dervo Sejdić, Dragan Marković i Nedžad Jusić.

Nakon rasprave, članovi Vijeća *primili su k znanju* Informaciju koja im je prezentirana, te su, sa **17 glasova „za“ i jednim glasom „suzdržan“**, usvojili zaključke:

- Potrebno je da se na sljedećoj sjednici još jednom razmotre dosadašnji prijedlozi izmjena i dopuna Ustava BiH koje je predlagalo Vijeće, s ciljem donošenja zaključaka i pomoći u rješavanju problema provođenja presude.
- Potrebno je uputiti dopis Uredu Vijeća Evrope u BiH, Uredu visokog predstavnika, Uredu specijalnog predstavnika Evropske unije za Bosnu i Hercegovinu, Delegaciji Evropske unije u BiH, svim klubovima političkih stranaka u Predstavničkom domu i klubovima naroda u Domu naroda Parlamentarne skupštine BiH i Ambasadi Sjedinjenih Američkih Država u BiH, s ciljem iskazivanja zabrinutosti zbog neprovođenja presude Evropskog suda za ljudska prava u vezi s

predmetom *Sejdić i Finci protiv Bosne i Hercegovine*, s molbom da svi na koje je dopis upućen, u skladu sa svojim mogućnostima i nadležnostima, doprinesu što skorijem i kvalitetnijem provođenju presude.

Ad. 3. Razmatranje aktivnosti za pokretanje inicijativa za izmjene i/ili dopune Izbornog zakona Bosne i Hercegovine - poglavlje kojim se regulira učešće nacionalnih manjina u općinskim/gradskim vijećima

Predlagač inicijative Nedžad Jusić je na početku rasprave o ovoj tački dnevnog reda obrazložio razloge podnošenja inicijative, te naveo potrebu da Vijeće svojim prijedlozima učestvuje u izmjeni Izbornog zakona, a posebno u dijelu koji se odnosi na učešće nacionalnih manjina u općinskim vijećima na način na koji to smatra mogućim.

U raspravi su učestvovali: Nedžad Jusić, Velibor Kuvač, Dragan Marković, Jakob Finci, Todorica Jovanović, Tihomir Knežiček i Želimir Lalić.

Nakon rasprave, članovi Vijeća su, sa **17 glasova „za“ i jednim glasom „suzdržan“**, usvojili **zaključak** da se nakon sastanka s ekspertima koje je angažirao Ured Vijeća Evrope putem Projekta „Jačanje zaštite nacionalnih manjina u Bosni i Hercegovini“, realiziranog u sklopu zajedničkog programa Evropske unije i Vijeća Evrope „Horizontal Facility“, a kojem će prisustvovati i predstavnici Vijeća, saslušaju mišljenja i prijedlozi eksperata u vezi s pokretanjem inicijativa za izmjene i/ili dopune Izbornog zakona Bosne i Hercegovine, te da se nakon toga Vijeće odredi za način svog djelovanja u vezi s ovim pitanjem.

Ad. 4. Razmatranje aktivnosti za pokretanje inicijative za izmjenu zakona i drugih pravnih akata kojim se regulira uvoz robe iz inozemstva

Predlagač inicijative Nedžad Jusić na početku rasprave o ovoj tački dnevnog reda obrazložio je razloge podnošenja inicijative, te iskazao stav da bi roba koja se odnosi na očuvanje i promociju kulturnog identiteta nacionalnih manjina trebala biti oslobođena carinskih dažbina prilikom uvoza.

Predsjedavajući Vijeća nacionalnih manjina BiH Andrija Svatok otvorio je raspravu, u kojoj su učestvovali: Nedžad Jusić, Jakob Finci, Mladen Radmilović, Jovanka Manžalović-Šalaka, Dragan Marković, Marija Grbić i Želimir Lalić.

Članovi Vijeća **jednoglasno su** donijeli odluku da se uputi dopis Ministarstvu vanjske trgovine i ekonomskih odnosa BiH kojim će se tražiti informacija da li su trenutnim zakonskim propisima predviđene mjere oslobođanja od plaćanja carinskih dažbina prilikom uvoza robe iz inozemstva, a koja se odnosi na očuvanje i promociju kulturnog identiteta nacionalnih manjina, te ukoliko nije, da li se razmišljalo o uvođenju takve mjere.

Ad. 5. Inicijativa i prijedlog za održavanje sjednica Vijeća u toku radnog vremena Parlamentarne skupštine BiH

Nakon što je podnositeljica inicijative Marija Grbić ukratko prezentirala razloge njenog podnošenja, uslijedila je rasprava, u kojoj su učestvovali: Marija Grbić, Velibor Kuvač, Dejan Piotrovski, Nedžad Jusić, Tihomir Knežiček, Todorca Jovanović i Dragan Marković.

Nakon rasprave, podnositeljica je povukla svoju inicijativu.

Ad. 6. Tekuća pitanja

- a) Informacija o izvještajima o radu razmatranim na 2. sjednici Zajedničke komisije za ljudska prava Parlamentarne skupštine BiH
- b) Plan posjeta Vijeća u zemlji za 2020. godinu
- c) Informacija o mogućoj posjeti Rumuniji
- d) Razno

a) Informacija o izvještajima o radu razmatranim na 2. sjednici Zajedničke komisije za ljudska prava Parlamentarne skupštine BiH

Informaciju su članovima Vijeća prezentirali prisutni sjednici Zajedničke komisije za ljudska prava Parlamentarne skupštine BiH Andrija Svatok i Nedžad Jusić, upoznavajući članove sa osnovnim zaključcima i stavovima članova Zajedničke komisije, među kojima, kako su naveli, posebno treba istaći podršku za vraćanje iznosa sredstava granta u budžetu Ministarstva za ljudska prava i izbjeglice, odnosno doneseni **zaključak da je neophodno stvoriti adekvatnu logističku podršku za rad u punom kapacitetu i afirmaciju prava nacionalnih manjina u Bosni i Heregovini u skladu sa zakonskim nadležnostima**, potrebu da se - bilo na nivou tijela u punom sastavu ili samo rukovodstva - održi sastanak članova Vijeća i Zajedničke komisije. U raspravi su učestvovali: Andrija Svatok, Nedžad Jusić, Mladen Radmilović, Silvija Vujović, Dragan Marković i Želimir Lalić. Informacija je **jednoglasno** primljena k znanju.

b) Plan posjeta Vijeća u zemlji za 2020. godinu

Predsjedavajući je podsjetio da je Planom rada Vijeća za 2020. godinu predviđeno da Vijeće jednom u tri mjeseca obavi posjetu gradu/općini u BiH i tamo održi svoju sjednicu. Imajući u vidu da se naredni sastanak Projekta „Jačanje zaštite nacionalnih manjina u Bosni i Hercegovini“, realiziranog u sklopu zajedničkog programa Evropske unije i Vijeća Evrope „Horizontal Facility“, održava u Tesliću (23. i 24. 3. 2020), te da će tu – u skladu sa zaključkom donesenim prilikom rasprave o tački 3. dnevnog reda prisustvovati delegirani članovi Vijeća i eksperti za izbornu zakonodavstvo. Zaključeno je da prva naredna posjeta bude organizirana u Tesliću.

c) Informacija o mogućoj posjeti Rumuniji

Silvija Vujović upoznala je članove s razgovorom koji je obavila s ambasadoricom Rumunije u BiH, te navela potrebu upućivanja dopisa kojim bi se od Ambasade te zemlje tražila sugestija i pomoć u ostvarivanju kontakta s nadležnim tijelima Parlamenta Rumunije. Po dostavljanju podataka iz Ambasade, zaključeno je da Sekretarijat preuzme komunikaciju s ciljem realiziranja posjete.

d) Razno

S ciljem dobivanja informacije o razlozima neredovnog praćenja sjednica Vijeća nacionalnih manjina BiH i upoznavanja rukovodstva Parlamentarne skupštine BiH o navedenom, članovi Vijeća jednoglasno su donijeli zaključak da se Vijeće obrati kolegijima domova Parlamentarne skupštine BiH i nadležnim službama te institucije.

Sjednica Vijeća nacionalnih manjina BiH završena je u 19 sati.

Stručna savjetnica

Branislava Vignjević

Predsjedavajući

Vijeća nacionalnih manjina BiH

Andrija Svatok